

# ხელშეკრულება სახელმწიფო შესყიდვის შესახებ № 0611/01

გამარტივებული შესყიდვა, მონეტარული ზღვრების დაცვით  
საქართველოს კანონი სახელმწიფო შესყიდვების შესახებ, მე-3 მუხლის 1 პუნქტის ს! ქვეპუნქტის შესაბამისად.

CPV - 31400000

ქ. თბილისი

06 გვიაზე 2018 წ.

„შემსყიდველი“ - შპს „სახელმწიფო კვებითი უზრუნველყოფა“, წარმოდგენილი მისი დირექტორის ალექსი ზანდარაშვილის სახით;

მისამართი: იურიდიული: ქ. თბილისი, ჭავჭავაძის ქ. #12, ფაქტიური: ქ. თბილისი, პეტიონი 41;  
საიდენტიფიკაციო კოდი: 404482537

ტელეფონი: 2 200 122

საბანკო რეკვიზიტები: სს „თი ბი სი ბანკი“, ბანკის კოდი - TBCBGE22, ა/ა GE58TB 7353 4360 8010 0004

„მიმწოდებელი“ - შპს „იზერია ტექ ავტომობილი“ წარმოდგენილი მისი დირექტორის ლაშა მიგინეიშვილი სახით;

მისამართი: აღმაშენებლის ხეივანი მე-12 კმ N5

საიდენტიფიკაციო კოდი: 236 093 473

ტელეფონი: 577 22 88 06

საბანკო რეკვიზიტები: სს „საქართველოს ბანკი“, ბანკის კოდი - BAGAGE22, ა/ა GE29BG0000000153 5121 00

## 1. ხელშეკრულების საგანი

1.1. წინამდებარე ხელშეკრულების შესაბამისად მიმწოდებელი ვალდებულია შემსყიდველს მიაწოდოს დანართი №1-ში აღნიშნული აკუსტულატორი (შემდგომში - საქონელი) შემსყიდველისათვის საჭირო რაოდენობითა და ამ ხელშეკრულებით განსაზღვრული წესით, ხოლო მიმწოდებელი ვალდებულია ხელშეკრულებით განსაზღვრული წესით და ვადებში მიიღოს საქონელი და გადაიხადოს მისი ღირებულება.

1.2. მიმწოდებელი ვალდებულია შემსყიდველს მიაწოდოს საქონელი წინამდებარე ხელშეკრულების დანართი #1-ით განსაზღვრულ ვადაში და ადგილზე.

1.3. ხელშეკრულების ღირებულება შეადგენს 154 (ასორმოცდათოთხმეტი) ლარს დღგ-ს ჩათვლით.

1.4. საქონლის ფასი მითითებულია დანართ #1-ში და მოიცავს საქონლის მონტაჟის ხარჯებსა და საქართველოს კანონმდებლობით დადგენილ ყველა გადასახადს.

## 2. საქონლის შესაბამისობის შესახებ

მიმწოდებლის მიერ მისაწოდებელი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს „მიმწოდებლის“ მიერ შემოთავაზებულ პირობებს.

## 3. მხარეთა უფლებამოსილებებისა და მოვალეობების შესახებ

3.1. წინამდებარე ხელშეკრულებით, მიმწოდებელი ვალდებულია საქონელი მიაწოდოს შემსყიდველს ხელშეკრულებითა და დანართი #1-ით განსაზღვრული წესით, წინამდებარე ხელშეკრულების დანართი #1-ით განსაზღვრული რაოდენობით, ხოლო შემსყიდველი ვალდებულია მიიღოს საქონელი და მოახდინოს მიმწოდებელთან ანგარიშსწორება ხელშეკრულებით გათვალისწინებული პირობებით.

3.2. შემსყიდველი ვალდებულია მიიღოს საქონელი, მიღების მომენტში შეამოწმოს საქონლის ხარისხი, რაოდენობა და გარეგანი იერსახე.

3.3. შემსყიდველი ვალდებულია მიმწოდებელს აუნაზღაუროს მიწოდებული საქონლის ღირებულება ამ ხელშეკრულების მე-6 მუხლის შესაბამისად.

3.4. მხარები ვალდებული არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნიკური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამედავნების დაუშვებლობას მესამე პირებისათვის.

3.5. „მიმწოდებელი“ ამ ხელშეკრულებით მოსაწოდებელ 1 ერთეულ აკუმულატორზე Bosch 45a/h 330A 0(3) 238x129x227 S4 Asia“ ავტომობილებს გარანტიას საქონლის ფაქტობრივად მიღებიდან 24 (ოცდაოთხი) თვეს განმავლობაში, შემდეგი პირობებით:

- 3.5.1. საგარანტიო პირობები მოქმედებს იმ შემთხვევაში თუ აკუმულატორი არ დაზიანდება რაიმე სახის ფიზიკური ზემოქმედებით ან არასწორი ექსპლუატაციის შედეგად.
- 3.5.2. „მიმწოდებელი“ ვალდებულია მოწოდებული საქონლის მწყობრიდან გამოსვლის შემთხვევაში, შეტყობინების მიღებიდან 2 (ორი) სამუშაო დღის ვადაში შეაკეთოს დაზიანებულ საქონელი, თუ შეკეთება ტექნიკურად შეუძლებელია იგივე ვადაში ჩაანაცვლოს იდენტური პარამეტრების მქონე ახალი საქონელით.
- 3.5.3. „მიმწოდებელი“ საგარანტიო პირობებს არ ავრცელებს თუ საქონლის დაზიანება გამოწველულია „შემსყიდველის“ მიერ არასწორი ექსპლუატაციით, დაუდევრობით ან გაუფრთხილებლობით.
- 3.5.4. საგარანტიო პირობების შეუსრულებლობისთვის/არაჯეროვნად შესრულებისთვის „შემსყიდველი“ უფლებამოსილია „მიმწოდებელს“ დაარიცხოს პირგასამტებლოს 100 (ასი) ლარის ოდენობით, ამასთან შესაძლებელია განხორციელდეს ხელშეკრულების შეწყვეტა.
- 3.5.5. „მიმწოდებელის“ მიერ პირგასამტებლოს გადახდა არ ათავისუფლებს „მიმწოდებელს“ შესასრულებელი ვალდებულებისაგან.
- 3.5.6. „შემსყიდველი“ ვალდებულია ყოველ 120 დღეში განახორციელოს მიმწოდებელთან აკუმულატორის სავალდებულო შემოწმება.

#### **4. საქონლის მახასიათებლების შესახებ (რაოდენობა და ხარისხი)**

- 4.1. მიმწოდებელი ვალდებულია მიწოდების დოკუმენტებში (ზედნადები) მიუთითოს მისაწოდებელი საქონლის მახასიათებელი და ფასები წინამდებარე ხელშეკრულების დანართი N1-ის შესაბამისად.
- 4.2. მიწოდებელი საქონლის მახასიათებელი და რაოდენობა უნდა შეესაბამებოდეს მიწოდების დოკუმენტში დაფიქსირებულს.

#### **5. საქონლის მიღება-ჩაბარების წესი**

- 5.1. საქონლის მიღებისას, შემსყიდველი შეამოწმებს საქონლის რაოდენობის, მახასიათებლისა და ხარისხის შესაბამისობას წარდგენილ დოკუმენტებთან მიმართებაში. მიწოდებელი საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და შემსყიდველის წარმომადგენლის ხელმოწერით ზედნადებზე ან/და ა/ფაქტურაზე ან/და მიღება-ჩაბარების აქტზე. „შემსყიდველი“ უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა და ხარისხი არ შეესაბამება მხარეთა შორის შეთანხმებულ პირობებს.
- 5.2. საქონლის მიღებას, შემოწმებას, ანგარიშსწორებას და მონაცემების შედარებას ახორციელებს შპს „სახელმწიფო კვებითი უზრუნველყოფა“-ს შესაბამისი უფლებამოსილი პირ(ები).
- 5.3. შემსყიდველი უფლებამოსილია განაცხადოს უარი უხარისხო (წუნდებული) ან დაგვიანებით მიწოდებელი საქონლის ნაწილის ან მთლიანი მოცულობის მიღებაზე.
- 5.4. მიმწოდებლის უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს მიმწოდებლის უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

#### **6. ანგარიშსწორება**

- 6.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით.
- 6.2. ანგარიშსწორება მოხდება შემდეგი წესით: „შემსყიდველი“ „მიმწოდებელს“ გადაუხდის მიწოდებული საქონლის ღირებულებას სრულად ფაქტობრივად მიწოდებიდან და შეაბამისი დოკუმენტაციის გაფორმებიდან 10 (ათი) კალენდარული დღის ვადაში.
- 6.3. თუკი 6.2. პუნქტში მოცემული ანგარიშსწორების დღე(ებ)ი ემთხვევა არასამუშაო დღე(ებ)ს, ანგარიშსწორება განხორციელდება მომდევნო სამუშაო დღეს.
- 6.4. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, „შემსყიდველის“ და „მიმწოდებლის“ ან მათი წარმომადგენლების მიერ ხელმოწერილი სასაქონლო ზედნადები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტი.

#### **7. ხელშეკრულების შესრულების კონტროლის შესახებ**

- 7.1. წინამდებარე ხელშეკრულებით გათვალისწინებული საქონლის სახეობის, მახასიათებლის, შეფუთვის, ხარისხის, რაოდენობის, ტექნიკური მახასიათებლების, ფასის შესაბამისობის, შეკვეთის მიცემის, შესრულების ვადების და მიწოდების ადგილის კონტროლს განახორციელებს შპს „სახელმწიფო კვებითი უზრუნველყოფა“-ს დირექტორის მიერ გამოყოფილი შესაბამისი უფლებამოსილი პირ(ები).

7.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

7.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი შემსყიდველის არჩევანის მიხედვით.

## 8. ხელშეკრულების პირობების შეუსრულებლობა

8.1. იმ შემთხვევაში, თუ შემსყიდველი, მიმწოდებელს არ გადაუხდის მიწოდებული საქონლის ღირებულებას ხელშეკრულებით დაგენილ ვადაში და ასეთი გადაუხდელობა გრძელდება მიმწოდებლის მიერ აღნიშნულის თაობაზე წერილობითი შეტყობინების გაზიარებიდან 10 (ათი) სამუშო დღეზე მეტი ვადით, მიმწოდებელი უფლებამოსილია შემსყიდველს დაკისროს გადასახდელი ძირითადი თანხის 0.02% ყოველი ვადაგადაცილებული დღეზე.

8.2. იმ შემთხვევაში, თუ მიმწოდებელი არ განახორციელებს შესასყიდი საქონლის მოწოდებას ხელშეკრულებით განსაზღვრულ ვადაში, შემსყიდველი უფლებამოსილია მიმწოდებელს დაკისროს პირგასამტებლო მოსაწოდებელი საქონლის 0.02%-ის ოდენობით მაგრამ არააკლებ 50 (ორმოცდათი) ლარი ყოველ ვადაგადაცილებულ დღეზე.

8.3. თუ მიმწოდებელი ხელშეკრულებით გათვალისწინებული საქონლის მიწოდების პირობებს ვერ შეასრულებს ან/და დაარღვევს კეთილსინდისიერების პრინციპს, შემსყიდველი უფლებამოსილია შეწყვიტოს წინამდებარე ხელშეკრულება და მიმწოდებელს ხელშეკრულების არაჯეროვანი შესრულებისათვის/შეუსრულებლობისთვის დაკისროს პირგასამტებლო ხელშეკრულების საერთო ღირებულების 5%-ის ოდენობით.

8.4. პირგასამტებლოს გადახდა არ ათავისუფლებს მხარეებს ძირითადი ვალდებულებების შესრულებისგან.

## 9. ხელშეკრულების შესრულების შეფერხების შესახებ

9.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლოვობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებოთ.

9.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტებლო.

## 10. ფორს-მაჟორი

10.1. ამ ხელშეკრულების მიზნებისათვის მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის მთელი დროის განმავლობაში იმ გარემოებების გამო, რომლებიც წარმოიშობა მხარეთა ნებისაგან დამოუკიდებლად (დაუძლეველი ძალა). დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.

10.2. მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.

10.3. მხარეები ვალდებული არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.

10.4. თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

## 11. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერის დღიდან და მოქმედებს 2018 წლის 15 დეკემბრის ჩათვლით.

## 12. სხვა პირობები

12.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.

12.2. წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.

12.3. „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ წებას და რომ მათ მიერ წების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტომდენ სიტყვა-სიტყვითი მნიშვნელობიდან.

12.4. წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.

12.5. ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის აღმართობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.

12.6. „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.

12.7. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.

12.8. იმ შემთხვევებში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქადალდზე და ხელმოწერილი ამისათვის უფლებამოსილი პირების მიერ. სხვა შეტყობინებები შეიძლება გადაიცეს ელ. ფოსტის, ტელეფონისა ან ფაქსის საშუალებით.

12.9. მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად. ელ.ფოსტაზე „შემსყიდველის“ მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.

12.10. „მიმწოდებელი“ ადასტურებს, რომ მას ჩაბარდა ხელშეკრულება მისი დანართებითურთ.

12.11. „მიმწოდებელი“ აცხადებს, რომ მისი მიერ წარმოდგენილი მონაცემები, მათ შორის მისი რეკვიზიტები, სწორია.

12.12. მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმოშობიდან 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.

12.13. პირველი ინსტანციის სასამართლოს გადაწყვეტილება „მხარეთა“ მიერ მისი გასაჩივრების მიუხედავად, დაუყოვნებლივ შედის ძალაში საქართველოს სამოქალაქო საპროცესო კოდექსის 268-ე მუხლის მე-11 პუნქტის შესაბამისად.

12.14. წინამდებარე ხელშეკრულება შედგენილია 2 ეგზემპლარად – თითო ეგზემპლარი ყოველი მხარისათვის გადასაცემად. ორივე ეგზემპლარი იდენტურია და გააჩნიათ თანაბარი იურიდიული ძალა.

12.15. შემსყიდველის მხრიდან ხელშეკრულებაზე ხელის მომწერი პირი, ასევე ხელშეკრულების ვიზირებაზე ხელისმომწერი პირები, ვადასტურებთ, რომ არ ვიმყოფებით ინტერესთა კონფლიქტში ხელშეკრულებაში მითითებულ მომწოდებელთან სახელმწიფო შესყიდვების კანონის მე-8 მუხლის შესაბამისად.

შემსყიდველი

მიმწოდებელი

შპს „სახელმწიფო კვებითი უზრუნველყოფა“

შპს „იბერია ტექ ავტომობილი“

დირექტორი

დირექტორი



N 0611101 ხელშეკრულების დანართი N1

N	საქონლის დასახელება/ სპეციფიკაცია	განზ.	რ-ბა	ერთ-ფასი დღგ-ს ჩათვლით (ლარი)	ხელშეკრულების ღირებულება დღგ-ს ჩათვლით (ლარი)	მიწოდების ვადა	მიწოდების ადგილი
1	აკუმულატორი Bosch 45a/h 330A 0(3) 238x129x227 S4 Asia"	ცალი	1	154.00	<b>154.00</b>	ხელშეკრულების გაფორმებიდან ერთჯერადად შემყიდველის მოთხოვნას შესაბამისად 2018 წლის 10 ნოემბრის ჩათვლით.	მიწოდებლის სურვისცენტრი თბილიში

შემსყიდველი

შპს „სახელმწიფო კვებითი უზრუნველყოფა“

საიდენტიფიკაციო კოდი: 404 482 537

დირექტორი: ალექსი ზანძარაშვილი

ხელმოწერა:



მიმწოდებელი

შპს „იზერია ტექ ავტომობილი“

საიდენტიფიკაციო კოდი: 236 093 473

დირექტორი: ლევა მიგინიშვილი

ხელმოწერა:

